

Ngambay - Kaji Maktub - Salvation Scriptures

Epesə 2:2 gé sei yaje rō sí kenej yag kédé loo gé sei taaje kila goł dəwje gé dō naŋg nee, ndolèje ne goo mbai gé njekɔbee gé pən dara gé to ndil gé ra kula basinè meę njékaltaje'g lē ləm tō.

Matiyo 6:10 Maji kar beekɔ ləi taa naŋg nee pəl-pəl ləma, Maji kar deę gé dō naŋg nee ra torndui d'aree ɔr rōd to gé deę ra dara ləm tō.

Lugu 22:42 Bōm, bō lé to gé məəi ndigi ndá ɔs ŋgo-kai-né lé rōm'g rəw gé rang! Nε ra né gé məəi-i nja ba woji bō to gé məəem-ma ba woji el.

Jə 16:7-9 Nε ta gé ma m'ula sí lé to gé kankəmta ya, kaw gé m'a gə kaw lé a tel to maji dō sí'g bəi. Mbata bō lé m'a kaw el ndá njenai sə sí a ree rō sí'g el, nε bō lé m'a kaw ndá m'a kulá karee ree rō sí'g ya. 8 Loo gé yee lé a ree ndá a kar kəm dəwje gé dō naŋg nee inja dō kaiya'g ləm, gə dō meekarabasur ləma, gə dō rəwta gé d'a gaŋg dō dəwje'g ləm tō. 9 Yee a kar kəm dee inja dō kaiya'g lé mbata deę d'ɔm meę dee d'ɔm'g el.

2 Timothe 2:10 Gelee gé nee ba, m'wa ne siŋgam kɔgərɔ dō néje'g lai mbata lə deę gé yee mbər dee lé gə mba kar dee-deę nja kara d'iŋga kaji gin Jeju Kristi lé nə'd gə rōnduba gé to gə nəo lé tō.

Rōmə 15:20,21 Loo gé ri Kristi bar kenej el bəi lé yee ba ma m'woji məəem'g mba kaw kila mber tagémaji kenej bō gə mba rōd ne kəi dō gin kəi gé dəw gé rang tum lé el, to gə goo ta gé ndang mee maktub'g pana: 21 Deę gé mbər taree oso mbi dee'g el bəi lé d'a kée ləm, Deę gé d'oo neą el bəi lé kara d'a gəree ləm tō.

Néra Njékajkulaje 2:36,37 Bèe ndá maji kar ŋaka Israɛlje lai lé gər gao, to gé Jeju nee gé sei dareeje lé Jehovah nja undá gé Mbaidɔmbaije ləm, gə Kristi lé ləm tō. 37 Loo gé deę d'oo ta neelé ndá bəŋgərə dee ti dus ar dee dəji Piərə gə njékajkulaje gé rang pana: ɔgakɔ síjeę gé dəwje see j'a ra banwa.

Əbrəje 4:2 Mbata Tagémaji gé d'ula sí lé d'ula dee-deę tō, nε deę lé ta gé d'ula dee tel to gé sin mbata deę d'oo ya, nε d'ɔm meę dee d'g el.

Jeremi 24:7 M'a kar dee bəŋgərə dee gé kə gərm to gé ma m'to Njesigəneą, bō lé d'a tel ree rōm'g gə meę dee bura ndá d'a to koso-dəwje ləm ləm, m'a to Jehovah lə dee ləm tō.

Néra Njékajkulaje 16:14 Dené kára mbuna dee'g ria lə Lidi, yee to njerab-kubu gé ndiri ndul piro-piro ndogo gé bee-kojee to Tiatirə. Yee to dené gé bəl Jehovah ləm, yee ur mbia gən dō ta'g lə sí ləm tō. Mbaidɔmbaije aree ur mbia gən unda ne mée yel dō ta gé Pool ndoo dee lé taa ne gə mée rəgm tō.

Matiyo 13:14,15 a gé Jehovah ula Esai aree pa lé ɔr gin ká dee njal pana:

Sej a kooje gé mbi sí ya ne a bar gé koo mbi sí'g lém, Sej a kooje gé kém sí ya ne sej a kaaje gé kaa mbé lém tó. 15 Mbata koso-déwje neelé meé dee ndér lém, Mbi dee udu lèma, Kém dee libi lém tó Ba nà d'a koo gé kém dee gé mbi dee lém, D'a keji meé dee gér ginee lèma, D'a kós ne badm tel kam m'aji dee ne lém tó.

Esai 6:9,10 Yen ñga yeé pana: Maji kam m'aw ndá m'ula koso-déwje neelé m'pana: Sej a kooje gé mbi sí ya Né a bar mbi sí'd gé bar Bó a gérje ginee el lém, Sej a kooje gé kém sí ya Né a kaaje gé kaa mbé lém tó. 10 Ar meé koso-déwje neelé ndér lém, Ar mbi dee udu lèma, Ar kém dee libi lém tó, Ba nà d'a koo gé kém dee gé mbi dee lém, D'a keji meé dee'g gér ginee lèma, D'a kós badm tel kar neé n'aji dee lém tó.

Mark 4:11,12 Yeé ula dee pana: Sej nja Jehovah ar kém sí injá gé mba kar sí gérje ne ta lè beekó lè Jehovah gé to loo-kiya'g bëi, ne deé gé rang lé d'oo taje lai gé gosotaje ba. 12 MBA kar dee d'oo gé kém dee ya ne d'aa gé kaa mbé lém, Deé d'oo gé mbi dee ya ne bar mbi dee'g gé bar bò gér ginee el lém tó, Ba nà d'a kós ne badm tel kar mee Jehovah oso lemsé dó dee'g.

Já 12:39,40 Togébè ba d'oo loo gé mba kóm meé dee dëa'g el, mbata Esai pata loo gé rang'g pana: 40 Yeé ar kém dee tó sum-sum lém, Yeé ñm meendér dó dee'g lém tó, Ba nà d'a koo gé kém dee lém, D'a keji meé dee'g gér ginee lèma, D'a kós badm tel kam m'aji dee lém tó.

Róm 11:7,8 See di tóbëi wa. Né gé Israëlje ndolé lé d'ingá el ne deé gé yeé ɔr dee unda dee gé kémee lé ba d'ingá ne njé gé rang lé deé to gé njédökédérje 8 tó gé goo ta gé ndang mee maktub gé to gé kémee lé pana: Jehovah ar ndil dee ndér kenej jér el lém, ar kém dee oo loo el lèma ar, mbi dee kara oo el lém tó saar basinè.

2 Tesaloniké 2:10,11 gé nésukémlooje gé yér lém tó mbata lè deé gé njétujije lé mbata kankémta gé d'a gé kaji ne lé deé mbad bò deé taa gé meé dee d'unda dan kém dee'g el. 11 Togébè ba Jehovah sula dee ne sôgo dan néngomje'g gé deé d'om meé dee dó'g ndém ne lé

Matiyo 13:18-23 Sejje lè maji kar sí ooje gosota gé wòji dò njekila kér lè. 19 Loo gé dëw oo ta lè beekó lè ne yeé gér ginee el ndá njegosoyér ree ɔr kandë né gé oso mée'g hòd ndá mee dëw neelé to asëna gé kag-rëw gé kandë kér lè wa nañg kenej. 20 Kandë kér gé oso dò mban-ér'g lè to asëna gé dëw gé oo ta lè ndá líeganeeya yeé taa gé ròlel, 21 ne ñgira ta neelé ñm jamee mée'g el ndá dëw neelé si ne waga el mbata mée mboré dò'g. Loo gé nébél əsé néurti tee dëa'g mbata lè ta neelé ndá yeé oso kas ila ne ta körö yal. 22 Kandë kér gé oso mee kun'g lè to asëna gé dëw gé oo ta neelé ya ne tor ta gé wòji dò nañg nee gé takéji gé wòji dò

nébaoje ba yee laji mée'g aree tuji ta neelé ɔgee ne loo teekor ɔgià ne ɔgɔsɔrɔ. 23 Kandə kér gé oso dɔ naŋ gé maji kó'g lè to asəna gè dəw gé oo ta neelé ləm, gè gér ginee ləm tɔ. Dəw neelé nai gé kér gé andə tɔl əsé rɔ-misə əsé rɔ-munda tɔ.

2 Koritə 3:15,16 Saar bogənè kara loo gé deę tura maktub lè Moyis lè kubu neelé i dəb meę dee'g bigim tɔ. 16 Ne loo gé d'ɔs badm tel gé rɔ Mbaidombaije'g ndá kubu nee i bəl oso gé rang tɔ.

Esai 30:28 Kəmə gé yee ila pugudu lè To asəna gè mán baa gé i aw saar wa gwɔs dəw mbiriri bée Mbä yə ne ginkoji dəwje gè rang gè néje gé kə tuji loo ləm, Asəna gè aljem goso Gé to biri ɔgan koso-dəwje'g bée ləm tɔ.

Ojee 11:3-7 Neę nja n'to njedor Eprayimje Loo-nja'a'g lè dee gé dɔtar ləm, Neę n'wa ji dee n'gəd dee ne, Ne deę gér to gé neę ba n'to njekaji dee el. 4 Kula meenoji ba neę ndɔr dee ne ləm, Gé kúla kunda dee dan kəm neę'g ləm tɔ. Neę n'ra sə dee asəna gè yee gé ɔr néməmənä gwɔb nékulje'g bée Tɔbəi n'ar dee nésɔ dee bəi tɔ. 5 D'a tel kaw mee bee gé Ejiptə el, Ne dəw gé Asiri ba a to mbai lè dee Mbata deę mbad kɔs badm tel ree rɔ neę'g. 6 Gelee gé nee ba rɔ a tuji ne bee-booje lè dee ləm, A tuji loo gé deę gəd rɔ dee dɔ'g pugudu ləm tɔ Mbata némajelje lè dee gé deę d'wɔji-kwɔji ra lè. 7 Koso-dəwje lè neę d'unda rɔ dee bad rɔ neę'g ta-ta. Deę bar dee gé rɔ Njekurdɔloo'g Ne dəw kára kara ila ribar dəa'g el.

Néra Njékajkulaje 26:18 mba kari ar kəm dee injá, kar dee d'i ne dan loondul'g tee ne dan kárá ləm, mba kar dee d'unda rɔ dee ji singamɔn'g lè Njekurai ti d'ɔm ne ji Jehovah'g lè ləma, mba kar dee d'ɔm meę dee dɔm'g mba kar məəm ti mbidi dɔ kaiya'g lè dee bó gè kar dee d'isi gè deę gé to gè kəmee lè d'inja sə dee nénoji lè tɔ.

2 Timothe 2:24-26 Tɔgərɔ ya, kura lè Mbaidombaije a to gé njegər ginta el, ne yee a kwa noji gè dəwje lai ləm, a kaskəm ndoo dee né ləma, a to njemeekila ləm tɔ. 25 Deę gé d'omä səa kara yee a gɔl dee gè ndu noji ya mba kar Jehovah ar dee d'un ne kəm dee rəw dɔ kaiya'g lè dee mba kar kəm dee injá dɔ kankəmta'g tɔ. 26 Yen ba gum lè njekurai gé yee uba dee naŋ bus kiri dee dɔ nə'd mba kar dee ra né gé mée wɔji lè d'a tee sɔd ne rɔ dee danee'g.

Loo gé killa rea kəm Jä'g 3:17-19 Mbata i əji ta məəi'g pana: I to gé bao ləm, i ar nébaoje taa rɔi pəl-pəl ləma, i aw ndòo né kára kara el ləm tɔ. Ne némeekɔ rai ləm, kəmi to ndòo ləm, i si dan ndòo'g ləm, i to gé njekəmtɔ ləma, i aw gè kudi dum ləm tɔ ne i gér bée el. 18 Ma m'ndəjii mba kari ndogo səm larlɔr gé deę neán pərə mba kar siiyee tee mée'g mba tel to ne bao ləm, mba kari ndogo səm kubu gé nda mba kula rɔi'g kar kudi gé to dum lè rɔkulee a godo ləm, mba kari ndogo səm kumä rii

ne kəmi bó gə oo ne loo ləm tə. 19 Ma lé dəwje gé m'unda dee dan kəm'g ndá m'woji dee kəmkàr ləm tə. Bèe ndá i gə roi rad, wa ndòo roi dō kaiya'g ləi.

2 Koritə 7:10 Təgərə ya, nékəmndoo gé Jehovah nja woji ba ar dəw wa ne ndòo rəa dō kaiya'g ləa mba teę ne rəw-kaji'g, bó a tel kəm rəd gogo el. Ne nékəmndoo gé kə naŋ nee ba oji yoo.

1 Mbaije 18:37 Əi Njesigeneq, ilam kenej ya, ilam kenej ya, gə mba kar dəwje d'oo to gé i to Njesigeneq gé to Jehovah gé njetel meę dee par gé roi'g ya.

2 Koritə 4:4 Deę gé meę dee ndər dō kəs Jehovah rəw'g lé njetaa loo-kög gé dō naŋ nee basinè lé yeę nja tə kəm dee wə-wə nà Tagémaji gé woji dō rənduba lə Kristi gé njekor rə Jehovah pai-pai lé a ndogó nə dee'g.

Lugu 8:11-15 Aa ooje, né gé gosota woji dəa lé ba to nee: Kandə kər lé woji dō ta lə Jehovah ya. 12 Njé gé teę ɔm naŋ kag-rəw'g lé woji dō deę gé d'oo ta gə mbi dee, ne líegəneeya njekurai lé ree, ɔr ta lé meę dee'g həd, nà banelə d'a kəm meę dee dō'g kaji ne. 13 Njé gé teę ɔm dō mban-ər'g lé woji dō deę gé d'oo ta lé gə mbi dee ndá deę taa gə rəlel tə, ne ɳgira ɳgən lə dee godo ar dee d'ɔm meę dee dō'g waga ba ndá loo gé né teę dō deę'g aị meę dee ndá d'ɔr ne mongyø d'oso yal mbə. 14 Njé gé teę ɔm naŋ mee kunje'g lé woji dō deę gé d'oo ta lé ndá d'ɔd par d'aw d'ar mal néje gé bəd-bəd ləm, gə nébaoje gé dō naŋ ləma, gə rəlelje gé dō naŋ nee ləm tə lé d'udu dō ta neelé lusu d'aree to asəna gə kandə né gé andə gé kuree bəe ya. 15 Njé gé teę ɔm dō naŋ gé maji'g lé woji dō deę gé d'oo ta gə meendakaj ləm, gə meemaji ləm tə ndá d'wa meę dee dō'g bururu ləm, d'ai meę dee dō'g sam-sam ləm tə ndá d'andə gə kandə dee njim-njim.

Néra Njékajkulaje 15:11 Jeę n'gər gao to gé mbəl dō meenoji lə Mbaidombaije Jeju lé ba jee j'inga ne kaji to gé deę bəe lé tə.

Rəmə 8:13 Təgərə ya, bó lé sej sije kəmba gə mba darə ndá sej a kwəije ne. Ne bó lé sej ndolèje goo Ndil, təlje ne néra lə darə ndá sej a sije ne gə kəmə lé ya.

Pastor T. John Franklin
Church of Salvation, Healing, and Deliverance
COS-HAD.org